


TELITI: Profesor Dr Jualang meneliti senarai nama pelajar sambil dibantu Ketua Sektor HEPA UMSKAL Nur Iman Reedzal di Dewan Utama UMSKAL, Kelmardin.



PULANGKAMPUNG: Pelajar UMSKAL mengangkat bagasi sebelum menaiki bas menuju ke Terminal Feri Kenderaan, Kelmardin sebelum menuju ke daerah masing-masing di Sabah.

Pengarah UMSKAL iringi pelajar pulang ke Sabah

LABUAN: Seramai 208 pelajar Universiti Malaysia Sabah, Kampus Antarabangsa Labuan (UMSKAL) yang berasal dari Sabah dihantar pulang menerusi feri kenderaan, Kelmardin.

Mereka merupakan pelajar dari kawasan Ranau, Telupid, Tongod, Beluran, Sandakan, Tawau, Semporna, Tamparuli, Nabawan, Tenom, Tambunan, Kunak, Kinabatangan, Lahad Datu dan Kemngau.

Lebih menarik, pergerakan pulang pelajar dari Tuaran dihantar sendiri Pengarah UMSKAL, Profesor Dr Jualang @ Azlan Abdullah Gansau yang menaiki bas sebelum menaiki feri kenderaan jam 5.30 petang ke Menumbok.

Pegerakan bas yang disewa khas dari Kota Kinabalu itu bermula dari Padang Kawad UMSKAL jam 4.30 pagi sebelum menaiki feri kenderaan jam 6 pagi, 11.30 pagi dan 5.30 petang merujuk kumpulan terakhir pelajar Sabah yang dihantar pulang.

Sepanjang menuju ke destinasi masing-masing, mereka diringi pegawai dan kakitangan UMSKAL bagi memastikan keselamatan mereka terjamin sampai ke kampung halaman di seluruh Sabah.

Terdahulu pelajar mendengar taklimat daripada Pegawai Sektor Hal Ehwal Pelajar (SHEP) dan Pegawai Polis di Dewan Utama UMSKAL.

Pengarah UMSKAL, Profesor Dr Jualang @ Azlan Abdullah Gansau menasi-



TURUT SAMA: Profesor Dr Jualang (kiri) menaiki bas yang membawa pelajar UMSKAL dari Tuaran dari Padang Kawad UMSKAL menuju ke Terminal Feri Kenderaan, Kelmardin.

harkan pelajar supaya sentiasa menjaga keselamatan dan kebersihan diri sepanjang berada di kampung halaman bersama keluarga apatah lagi menjangkanya perayaan Hari Raya Aidilfitri.

"Kutiah nasihat yang diberikan oleh Kementerian Kesihatan Malaysia (KKM) berkaitan wabak COVID-19.

"Saya bersama pengurusan UMS berdoa semoga semua pelajar yang pulang ke kampung halaman terus menaiki tahi arahan yang diberikan pihak berkuasa," katanya.

Beliau ditemui sebelum menaiki bas menuju ke Terminal Feri Kenderaan di Padang Kawad UMSKAL, petang kelmarin.

Turut mengucapkan selamat jalan kepada pelajar ialah Timbalan Pendaftar Kanan UMSKAL Zamri Moham-

mad Tuah, Ketua Sektor HEPA UMSKAL, Nur Iman Reedzal, Ketua Sektor Penadbiran Mas Adi Ahim dan Penolong Pendaftar SHEPA Md Fadzli Sarudi.

Sementara itu, Profesor Dr Jualang tidak lupa mengucapkan terima kasih kepada semua pihak yang membantu melancarkan operasi penghantaran pulang pelajar ke Semenanjung Malaysia, Sabah dan Sarawak.

"Ucapan terima kasih juga sayatujukan kepada kepimpinan Majlis Perwakilan Pelajar (MPP) dan Jawatankuasa Kebejikan Mahasiswa (JAKmas) selain pegawai dan kakitangan UMSKAL sendiri," katanya sambil berharap semua warga UMSKAL akan terus menjaga kesihatan sepanjang PKPB dilaksanakan oleh kerajaan.